



Nunatsinni Nakorsaaneqarfiup ukiumoortumik nalunaarussiaa 2016

Kapitali 9. Peqqissaasutut sulisinnaatitaanermut uppersaasiisarneq

"Peqqissaasut sulisinnaatitaanerat sulinerallu pillugit Inatsisartut peqqussutaata 30. okt. 1995-imeersup" akuersissutaaneranut atatillugu 1996-imi januaarip aallaqaataaniit Kalaallit Nunaanni peqqissaasutut sulisinnaatitaaneq atuutilersinneqarpoq.

Peqqussut naapertorlugu Kalaallit Nunaanni peqqissaasut Danmarkimi peqqissaasutut sulisinnaatitaanermut ilaatigut annertunerusumik piginnaatitaaffilerneqarlutillu pisussaaffilerneqarput. Tamanna Kalaallit Nunaanni peqqinnissaqarfiup sinerissami immikkoortuini annertuumik namminersorluni sulisoqartarneranik nakorsatullu suliasat arlallit suliffinni ataasiakkaani suliakkiunneqartarnerannik patsiseqarpoq. Taamaammat peqqissaasut Kalaallit Nunaanni sulisinnaatitaanermut uppersaasatillit kisimik Kalaallit Nunaanni peqqissaasutut sulisinnaapput. Nunani Avannarlerni ataatsimoorluni isumaqatigiissut naapertorlugu Peqqissaasut Nunani Avannarlerni ilinniarsimasut qinnuteqarnikkut Kalaallit Nunaanni peqqissaasutut sulisinnaatitaanermut uppersaaserneqarsinnaapput. Peqqissaasut nunanit allaneersut ilinniarnerat pitsaassutsikkut Kalaallit Nunaanni ilinniarnermut assersuunneqarsinnaasutut nalilivigineqarpat taamatuttaaq Kalaallit Nunaanni peqqissaasutut sulisinnaatitaanermut uppersaaserneqarsinnaapput. Piffissami killilimmi sulisinnaatitaanermut uppersaasiinissaq periarfissaavoq ataanili nalunaarsukkat piffissami killiligaanngitsumi sulisinnaatitaanermut uppersaasigaapput.

Sulisinnaatitaanermut uppersaasatit nutaat ukiuni arlertuni 200-it inortarsimagaluarlugit 2015-imi 2016-imilu amerliartoqqilerput. Peqqissaasut amerlasuut piffissani sivikitsuni taartaasarput. Peqqissaasut sulisinnaatitaanermut uppersaammik qinnuteqarsimasut pissarsimasullu (naak) isumaqatigiissutiginnikkaluarlugu Kalaallit Nunaanni atorfininnissaminnut. Peqqissaasut qinnuteqarsimasut tamakkerlutik Kalaallit Nunaanni atorfininneq ajorput. Taamaattumik sulisinnaanermut uppersaasatit tunniunneqartartut ukiumut katillugit assigiinngillat taartaasutut atorfinissimasut.

| Tabeli 1 | Peqqissaasutut sulisinnaatitaanermut uppersaasikkat | | Taakkunannga Kalaallit Nunaanni ilinniarsimasut | |
|-------------|---|--|---|--|
| | Amerlassusaat | Ukiuni tallimani agguaqatigiissitsineq | Amerlassusaat | Ukiuni tallimani agguaqatigiissitsineq |
| 1996 – 2000 | 367 | 73,4 | 36 | 7,2 |
| 2001 – 2005 | 1.067 | 213,4 | 26 | 5,2 |
| 2006 – 2010 | 1.069 | 213,8 | 38 | 7,6 |
| 2011 | 149 | | 7 | |
| 2012 | 166 | | 3 | |
| 2013 | 148 | | 10 | |
| 2014 | 234 | | 10 | |
| 2015 | 272 | | 10 | |
| 2016 | 300 | | 6 | |
| Katillugit | 3772 | | 146 | |